

SO WHAT *What is the relevance of the Word to my life?*

- Anu-anong mga hakbang na ang nasubukan mo upang lunasan ang kasalanan? Ano ang mga napagtanto mo galing dito?
- Ngayong alam mo ng malaki ang ibinayad ng Diyos upang iligtas tayo, ano ang dapat nating maging tugon sa kaligtasang bigay ni Jesus? Papaano ka nababago nito?
- Papaano mo isasalaysay ang panahong nakilala mo si Jesus? Sa palagay mo, sinu-sino ang mga gusto ng Diyos na bahagian mo ng iyang kwento?

NOW WHAT *How do I apply the Word to my life?*

- Anu-anong mga sitwasyon ang hinaharap mo ngayon? Papaano mo hahayaang iligtas ka ng Diyos dito?
- Papaano nabago ng Diyos ang iyong buhay? Kung kailangan mo ng tulong upang lalo pang maintindihan ang ginawa ni Jesus para sa iyo, sabihan mo ang iyong *group leader* na ipaliwanag ito sa iyo.
- Mag-isip ng isang kakilalang higit na nangangailangang makilala si Jesus. Ano ang magagawa mo ngayong linggo upang ibahagi sa kanya ang ginawa ni Jesus sa iyong buhay?

PRAYER

- Pasalamatan si Jesus sa pagligtas Niya sa iyo, sa pagbabago Niya sa iyong puso at sa pagbabalik Niya sa iyo sa tamang ugnayan sa Kanya. Humiling ng kakayahang patuloy na maging tapat sa pagsunod sa Kanya araw-araw.
- Hilingin sa Diyos na palakasin Niya ang iyong loob, na bigyan ka ng mga tamang salita at pagkakataong ibahagi sa iyong mga kapamilya at kaibigan ang Kanyang pagmamahal. Manalangin na maging handa ang kanilang mga pusong tanggapin ang Kanyang kaligtasan.
- Ipagdasal ang bawat miyembro sa iyong grupo na magkaroon kayo ng higit na kagustuhang ibahagi si Jesus at ang Kanyang dakilang pag-ibig sa mas marami pang tao sa inyong paligid.



VICTORY

Honor God. Make Disciples.

Pinahihintulutan ang pagkopya ng lathaing ito na galing sa Victory® para sa kagamitan ng lokal ng simbahan.
 Karapatang Pag-aari © 2011 ng Every Nation Leadership Institute
 Inilathala ng EVERY NATION PRODUCTIONS
 P.O. Box 12229 Ortigas Center, Pasig City, Philippines

FILIPINO

Mga Baboy at Kadena

Week 1

NOTES

[illegible]

CONNECT

- Ibahagi ang pagkakataong may magandang nangyari sa iyo at gusto mong malaman ito ng lahat. Ano ang hindi mo makakalimutan sa karanasan na iyon?
- Ikwento ang pagkakataong sinubukan mong kumbinsihin ang isang kakilalang subukan ang isang bagay. Ano ang nangyari?
- Isalaysay ang panahong sinubukan mong ayusin ng mabilisan ang isang bagay ngunit hindi ito naayos o lumala lamang ang sira nito. Anong aral ang napulot mo dito?

WORD

WHAT

What does the Bible say?

⁹Tinanong siya ni Jesus, “Ano ang pangalan mo?” Sagot niya, “Kawan, dahil marami kami.” ¹⁰At paulit-ulit na nagmakaawa ang masamang espiritu kay Jesus na huwag silang palayasin sa lupaing iyon. ¹¹Sa di-kalayuan ay may malaking kawan ng mga baboy na nanginginain sa gilid ng burol. ¹²Nagmamakaawa ang masasamang espiritu na kung maaari ay payagan silang pumasok sa mga baboy. ¹³Kaya pinayagan sila ni Jesus. Lumabas ang masasamang espiritu sa lalaki at pumasok sa mga baboy. Nagtakbuhan ang may dalawang libong baboy pababa ng burol, nagtuloy-tuloy sa lawa at nalunod.

Marcos 5:9-13

Si Jesus ang may awtoridad sa lahat; sa ating mundo (Marcos 4:36-41), kamatayan (Marcos 5:21-43), at sa mundong espiritwal at makikita natin ito nang makasalubong Niya ang taong sinaniban ng masasamang espiritu. Kapag naunawaan natin kung gaano katindi ang awtoridad ni Jesus kahit na sa daan-daang demonyo, lalo tayong mananalig sa Kanya. Sinasabi sa Bibliya na ang pangunahing dahilan ni Jesus sa pagpunta Niya sa mundo ay upang puksain ang gawa ng kaaway (1 Juan 3:8). Isaalang-alang natin ang mga puntos na ito.

- **Hangad ni Jesus na palayain tayo sa mga sitwasyong walang pag-asa.**

²Pagbaba ni Jesus sa bangka, sinalubong siya ng isang lalaking galling sa kwebang libingan. Ang lalaking ito'y sinasaniban ng masamang espiritu . . . ⁴Ilang beses na siyang kinadenahan sa kamay at paa, pero nalalagot niya ang mga ito. Walang nakakapigil sa kanya. . . . ⁷⁻⁸Sinabi ni Jesus sa masamang espiritu, “Ikaw na masamang espiritu, lumabas ka sa taong iyan!” Sumigaw ang lalaki, “Ano ang pakialam mo sa akin, Jesus na Anak ng Kataas-taasang Diyos? Nakikiusap ako, sa pangalan ng Diyos, huwag mo akong pahirapan!”

Marcos 5:7,8

Tanging si Jesus lamang ang may kapangyarihan na tayo'y palayain, patawarin, at baguhin. Dahil natural tayong makasalanang, wala tayong laban sa kasalanan ngunit pilit pa rin tayong nagbabago sa ating sariling paraan at kakayahan. Ang mga panlabas na kaparaanan ay hindi makakapagbigay ng matagalang pagbabago—kailangan natin ang kapangyarihan ng Diyos na makakapagbabago sa atin at sa ating mga puso. Papaano natin hahayaang baguhin tayo ng Diyos?

- **Mataas ang ibinayad ni Jesus sa krus para sa atin.**

¹¹Sa di-kalayuan ay may malaking kawan ng mga baboy na nanginginain sa gilid ng burol. ¹²Nagmamakaawa ang masasamang espiritu na kung maaari ay payagan silang pumasok sa mga baboy. ¹³Kaya pinayagan sila ni Jesus. Lumabas ang masasamang espiritu sa lalaki at pumasok sa mga baboy. Nagtakbuhan ang may dalawang libong baboy pababa ng burol, nagtuloy-tuloy sa lawa at nalunod.

Marcos 5:11-13

Sa lugar na pinangyarihan nito, bihira lang ang mga alagang baboy at ang karne nito ay mahal. Kaya't nang pinayagan ni Jesus ang mga demonyong lumipat sa mga baboy, hindi ito nagustuhan ng mga taga-roon dahil malaking kawalan ito sa kanilang kabuhayan. Ito ay larawan ng kung gaano tayo pinapahalagahan ng ating Diyos na di nag-atubiling magbayad ng mahal upang tayo'y maligtas sa pamamagitan ni Jesus, sa Banal na Espiritu (Juan 3:16). Sa gaanon kalaking pag-aalay, sa tingin mo, gaano ka pinahahalagahan ng Diyos (Pahayag 5:9)?

- **Tumutugon tayo sa kalayaan ng may kagalakan, may pagbabagong buhay, at kagustuhang ibahagi sa iba ang ginawa ni Jesus.**

¹⁸Nang sumasakay na si Jesus sa bangka, nakiusap sa kanya ang lalaking gumaling na isama siya. ¹⁹Pero hindi pumayag si Jesus. Sa halip, sinabi niya sa lalaki, “Umuwi ka sa pamilya mo at sabihin mo sa kanila ang lahat ng ginawa sa iyo ng Panginoon at kung paano ka niya kinaawaan.” ²⁰Kaya umalis ang lalaki at ipinamalita sa Decapolis, ang ginawa sa kanya ni Jesus. At namangha ang lahat ng nakarinig tungkol sa nangyari.

Marcos 5:18-20

Ang taong sinaniban ay naglalarawan sa ating lahat—mahina, at walang kalaban-laban sa kapangyarihan ng kasalanan kapag wala ang Diyos. Subalit kapag hinayaan natin ang Diyos na iligtas tayo at pangunahan ang ating buhay, nailalagay tayo sa tamang ugnayan sa Kanya at makatatamasa ng pagbabagong Kanyang ipinangako. Ang taong nakatanggap ng malaking pabor o tulong ay natural lamang na gugustuhing sumunod sa taong tumulong sa kanya. Sa kwento, ano ang sinabi ni Jesus sa taong sinaniban? Papaano natin isasabuhay ang utos na ito ngayon?